

» effetto, appoggiada su leggi, che la convince, spogliante autorità  
 » de' corpi. Vostre eccellenze ha preso un sacro inviolabile impe-  
 » gno de dar ai loro posterì la repubblica, qual le l' ha ricevuda  
 » dai loro maggiori, non alterada nella costituzion, nè cambiada  
 » nell' armonia del sistema. Se le prende sta proposizion, questo no  
 » ze fattibile. Le ghe vada donca nel bossolo non sincero, che in-  
 » dichì finalmente alla Signoria, che ghè bisogno de sostituir una  
 » proposizion, che no sia nè ultronea, nè delusoria dell' eccitamento.

» Questo dirave, se la fosse la prima proposizion che ga in sè  
 » tutti sti essenziali difetti; la seconda poi che ze quella, che in an-  
 » cuo ghe vien offerta, od alla prima, la ze simile, e se simile, non  
 » più giudicabile, o in quel che la differenza la ze peggior. E pri-  
 » ma de tutto nella enunciata la ga le stesse parole; no ghe ze cam-  
 » biamento de sorte. Al Conseggio de X, invece de demandar el  
 » costume, la demanda la tranquillità, la moderazion, la disciplina.  
 » Al Senato la dise tutto quel che ze peculiar, e la ommette i generi  
 » de prima necessità. Nella prima la diseva i generi, invece de dir  
 » viveri; nella seconda no la nomina nè generi nè viveri. La prima  
 » fu rifiutada; come mai vorle mandar un bossolo sopra un' altro  
 » bossolo? Un affar, una proposizion, che ze zà divisa, come la ri-  
 » produsele? Nè questa ze una question de ordine, la ze de puro  
 » merito. Come vorle presentar al sovràn quel che l' ha scartà?  
 » Questo ze un voler, che due volte sia giudicà una cosa stessa con  
 » pericolo de una discordanza ignominiosa a una repubblica.

» La prima proposizion predica del costume, è vero, generico;  
 » è vero, che la parla con parole astratte, ma queste finalmente ze  
 » suscettibili de spiegazion. Ma le parole de disciplina, de tranquil-  
 » lità, de moderazion non ze suscettibili de modificazion; queste ze  
 » parole abbraccianti un' idea universal. Serenissimo Mazor Con-  
 » seggio: se le ha resistido, se le ha scartà parole suscettibili de ec-  
 » cezion e de modificazion, le resista e le scarti, che no ze parole  
 » suscettibili de alcuna alterazion.

» Credo de aver supplido con dover, e de aver servido con